

四庫全書

史部

欽定四庫全書

史部

資治通鑑卷八十三

五至

詳校官編修_臣范來宗

洗馬_臣王坦修覆勘

總校官知縣_臣楊懋珩

校對官中書_臣孫溶

騰錄監生_臣鄒世俊

欽定四庫全書

資治通鑑卷八十三

宋

司馬光

撰

胡三省

音註

晉紀五

起屬維陽冷盡上
帝君離凡六年

孝惠皇帝上之下

元康九年春正月孟觀大破氐衆於中亭

水經注扶風
美陽縣有中

亭水亦謂之中亭
川在美陽縣西

獲齊萬年太子洗馬陳留江統

洗
陂翻

以為戎狄亂華空早絕其原乃作徙戎論以警朝廷曰

夫夷蠻戎狄地在要荒

周禮九州之外謂之蕃國謂東夷南蠻西戎北狄也國語曰蠻

夷要服戎狄荒服韋昭注曰要者要結好信而服從之荒者言荒忽無常也要一遙翻

禹平九土

而西戎即叙

孔安國曰言荒服之外流沙之內皆就次叙班固曰即叙者言就而叙之

其性

氣貪婪

婪貪也

凶悍不仁

悍戾也

四夷之中戎狄為甚

弱則畏服彊則侵叛當其彊也以漢高祖困於白登孝

文軍於霸上及其弱也以元成之微而單于入朝此其

已然之效也

單音禪朝直遙翻

是以有道之君牧夷狄也惟以

待之有備禦之有常雖稽顙執贄

周禮藩國世一見各以其所貴實為贄稽

音啟

而邊城不弛固守

漢元帝時匈奴單于請罷邊塞守備候應以為不可所謂不弛固守

也

疆暴為寇而兵甲不加遠征

周宣王薄伐獫狁至于太原盡境而返比于燕

燕驅之而已不加遠征也

令境內獲安疆場不侵而已及至周室失

統諸侯專征封疆不固利害異心戎狄乘閒得入中國

如戎伐魯濟西山戎病燕狄伐衛邢長狄入三國之類閒古覓翻

或招誘安撫以為已

用

如申繆以西戎攻殺周幽王晉遷陸渾之戎於伊川與之犄角以敗秦師于殽楚以蠻軍與晉戰于鄢陵

誘音酉

自是四夷交侵與中國錯居

如徐夷在齊晉魯宋之間鮮虞介燕晉之

境亦狄居上黨之地陸渾戎居伊洛之間義渠大荔居秦晉之域戎蠻子居梁霍之地

及秦始皇

并天下兵威旁達攘胡走越當是時中國無復四夷也

事見秦紀

漢建武中馬援領隴西太守討叛羌徙其餘種於

關中

種章勇翻

居馮翊河東空地數歲之後族類蕃息

蕃扶元翻

既恃其肥彊且苦漢人侵之永初之元羣羌叛亂覆沒將守屠破城邑鄧騭敗北侵及河內十年之中夷夏俱

敝任尚馬賢僅乃克之

事並見漢紀按漢光武建武十一年馬援討羣降之安帝永初

元年羣反自建武十一年至永初元年凡七十三年數歲之後當作數十歲之後將即亮翻守武又翻騭之日

翻夏戶雅翻任音土

自此之後餘燼不盡小有際會輒復侵叛

復扶

又翻

中世之寇惟此為大魏興之初與蜀分隔疆場之戎

一彼一此武帝徙武都氏於秦川

事見六十八卷漢獻帝建安二十三年

欲以弱寇彊國扞禦蜀虜此蓋權宜之計非萬世之利

也今者當之已受其敝矣夫關中土沃物豐帝王所居

周都豐鎬秦都咸陽漢都長安皆關中之地

未聞戎狄宜在此土也非我族

類其心必異而因其衰敝遷之畿服

畿服謂邦畿千里之內

士庶

翫習侮其輕弱使其怨恨之氣毒於骨髓至於蕃育衆

盛

蕃扶衰翻

則坐生其心以貪悍之性挾憤怒之情候隙乘

便輒為橫逆

橫戶孟翻

而居封域之內無障塞之隔掩不備

之人收散野之積

積子賜翻聚也

故能為禍滋蔓暴害不測此

必然之執已驗之事也當今之室室及兵威方盛衆事

未罷徙馮翊北地新平安定界內諸羗著先零罕开析

支之地徙扶風始平京兆之氏出還隴右著陰平武都

之界

先零罕开析支之地自湟中西至賜支河首陰平武都舊白馬氏地也著直畧翻零音憐开若堅翻

廩其道路之糧令足自致

廩當作稟給也下廩糧同

各附本種

種章勇翻

反其舊土使屬國撫夷就安集之

屬國都尉及撫夷護軍也

戎晉不

雜並得其所縱有猾夏之心

孔安國曰猾亂也夏華夏也夏戶雅翻

風塵

之警則絕遠中國隔閼山河

遠于願翻閼與礙同

雖有寇暴所害

不廣矣難者曰氏寇新平關中饑疫百姓愁苦咸望寧

息而欲使疲悴之衆徙自猜之寇恐執盡力屈緒業不

卒

難乃旦翻悴秦醉翻卒子恤翻終也

前害未及弭而後變復橫出矣

復扶

又翻

答曰子以今者羣氏為尚挾餘資悔惡反善懷我德

惠而來柔附乎將執窮道盡智力俱困懼我兵誅以至

於此乎曰無有餘力執窮道盡故也然則我能制其短

長之命而令其進退由已矣夫樂其業者不易事

樂音洛

安其居者無遷志方其自疑危懼畏怖促遽

怖音布

故可

制以兵威使之左右無違也迨其死亡流散離過未鳩

過他歷翻爾雅曰過遠也鳩集也

與關中之人戶皆為讐

謂氏羗之反暴掠平民關

中之人怨毒之戶皆為讐敵

故可遐遷遠處令其心不懷土也夫聖

賢之謀事也為之於未有治之於未亂

治直之翻

道不著而

平德不顯而成其次則能轉禍為福因敗為功值困必

濟遇否能通

否皮鄙翻

今子遭敵事之終而不圖更制之始

更工衡翻愛易轍之勤而遵覆車之軌何哉車覆於前不可遵其轍當易路

而行若遵覆車之迹則後車又將覆矣且關中之人百餘萬口率其少多

率列恤翻約數戎狄居半處之與遷必須口實口實謂糧食也

處呂昌若有窮乏糝粒不繼者糝桑額翻以米和羹也故當傾關中

之穀以全其生之計必無擠於溝壑而不為侵掠之

害也氏羗窮乏勢必聚而侵掠晉朝欲弭其害故當傾穀以給之擠子西翻又子細翻今我遷

之傳食而至謂所過郡縣遞給其食也傳直戀翻附其種族自使相贍而

秦地之人得其半穀言關中居人戎狄居半今遷使歸其舊地則秦中百姓將食其所積

之穀以約率之正得常居之
半穀也種章勇翻下餘種同

此為濟行者以廩糧遺居

者以積倉

遺于李翻

寬關中之逼去盜賊之原

去卷呂翻

除旦夕

之損建終年之益若憚輒舉之小勞

輒與暫同

而忘永逸之

宏策惜日月之煩苦而遺累世之寇敵非所謂能創業

垂統謀及子孫者也并州之胡本實匈奴桀惡之寇也

建安中使右賢王去卑誘質呼廚泉聽其部落散居六

郡

謂并州所統六郡也晉書匈奴傳曰匈奴與晉人雜居平陽西河太原新興上黨樂平莫不有焉質呼廚

泉事見六十七卷漢獻帝建安二十一年質音致

咸熙之際以一部太彊分為

三率

率讀曰帥音所類翻

泰始之初又增為四於是劉猛內叛連

結外虜

事見七十九卷武帝泰始七年八年

近者郝散之變發於穀遠

穀遠

縣漢屬上黨郡晉省蓋其地猶存舊縣名也劉昞曰穀

遠今沁源縣宋白曰漢穀遠故縣在沁源縣南百五十

步孤遠故城是也晉地記云穀遠今名

孤遠後代語訛耳郝散事見上卷四年今五部之衆戶

至數萬人口之盛過於西戎其天性驍勇弓馬便利倍

於氐羗

驍堅克翻

若有不虞風塵之慮則并州之域可為寒

心

劉淵之禍江統周逆知之矣

正始中母丘儉討句驪

事見七十五卷魏邵陵厲

公正始七年句如字又音駒驪力知翻

徙其餘種於滎陽

種章勇翻

始徙之時

戶落百數子孫孳息

孳津之翻生也

今以千計數世之後必至

殷熾

熾昌志翻

今百姓失職

民不得安于耕鑿是失職也

猶或亡叛犬馬

肥充則有噬齧況於夷狄能不為變但顧其微弱執力

不逮耳

顧內顧也

夫為邦者憂不在寡而在不安

論語孔子曰丘聞有

國有家者不患寡而患不均不患貧而患不安

以四海之廣士民之富豈須夷

虜在內然後取足哉此等皆可申諭發遣還其本域慰

彼羈旅懷土之思釋我華夏纖介之憂

夏戶雅翻

惠此中國

以綏四方

詩大雅民勞之辭

德施永世於計為長也朝廷不能

用散騎常侍賈謐侍講東宮對太子倨傲成都王頔

見而叱之謐怒言於賈后出頔為平北將軍鎮鄴

考異曰

帝紀云以頔為鎮北大將軍今從本傳

徵梁王彤為大將軍錄尚書事以

河間王顥為鎮西將軍鎮關中

彤余中翻顥魚容翻

初武帝作石

函之制非至親不得鎮關中顥輕財愛士朝廷以為賢

故用之

顥安平獻王孚之孫太原烈王瓌之子也初襲父爵咸寧三年改封河間為顥顥各據方鎮以

阻兵張本

夏六月高密文獻王泰薨

考異曰帝紀云隴西王本傳云泰為尚

書令改封高密紀誤

賈后淫虐日甚私於太醫令程據等

晉志太醫

令屬宗正

又以簾箱載道上年少入宮

簾廬谷翻說文竹高篋也少詩照翻

復

恐其漏泄往往殺之

復扶又翻

賈模恐禍及已甚憂之裴頠

與模及張華議廢后更立謝淑妃

謝淑妃太子之母也頠魚毀翻更工衡翻

考異曰模與裴頠王衍謀廢之行後悔而止今從頠傳

模華皆曰主上自無廢黜

之意而吾等專行之儻上心不以為然將若之何且諸

王方彊朋黨各異恐一旦禍起身死國危無益社稷頠

曰誠如公言然宮中逞其昏虐亂可立待也華曰卿二

人於中宮皆親戚言或見信空數為陳禍福之戒庶無

大悖則天下尚未至於亂吾曹得以優游卒歲而已

張華

處昏亂之朝位冠羣后而持心如此天殆假手於趙王倫而誅之也數所角翻為于偽翻卒于恤翻悖蒲內翻

顧旦夕說其從母廣城君

說輸芮翻從才用翻

令戒諭賈后以親

厚太子賈模亦數為后言禍福后不能用反以模為毀

已而疎之模不得志憂憤而卒秋八月以裴顧為尚書

僕射顧雖賈后親屬然雅望素隆四海惟恐其不居權

位尋詔顧專任門下事

晉制侍中與給事黃門侍郎同管門下事顧為侍中專任門下

事賈后之意也

顧上表固辭以賈模適亡復以臣代之

復扶

崇

外戚之望彰偏私之舉為聖朝累

累力
瑞翻

不聽或謂顧曰

君可以言當盡言於中宮言而不從當遠引而去儻二

者不立雖有十表難以免矣顧慨然久之竟不能從

史言

華顧顧懋祿位
以殞首亡家

帝為人戇駭

戇陟降翻愚也
駭語駭翻疑也

嘗在華林

園聞蝦蟆

蝦蟆何加翻
蟆謨加翻

謂左右曰此鳴者為官乎為私乎

為于
偽翻

時天下荒饉百姓餓死帝聞之曰何不食肉糜

糜忙

皮翻
粥也

由是權在羣下政出多門執位之家更相薦託有

如互市

更工
衡翻

賈郭恣橫

橫戶
孟翻

貨賂公行南陽魯褒作錢

神論以譏之曰錢之為體有乾坤之象親之如兄字曰

孔方

錢園函方天園而地方故曰有乾坤之象孔方亦以錢體言

無德而尊無執而

熱排金門入紫闥危可使安死可使活貴可使賤生可

使殺是故忿爭非錢不勝幽滯非錢不拔怨讐非錢不

解令聞非錢不發

聞音問

洛中朱衣當塗之士

晉制諸王朱衣絳紗

爆當塗之士謂當路柄用者

愛我家兄皆無已已執我之手抱我終

始凡今之人惟錢而已又朝臣務以苛察相高每有疑

議羣下各立私意刑法不壹獄訟繁滋裴頠上表曰先

王刑賞相稱

稱尺證翻

輕重無二故下聽有常羣吏安業去

元康四年大風廟闕屋瓦有數枚傾落免太常荀寓事

輕責重有違常典五年二月有大風蘭臺主者懲懼前

事求索阿棟之間得瓦小邪十五處

蘭臺主者御史臺主者也即令史之

類阿屋之隈曲棟屋穩也索山客翻

遂禁止太常復興刑獄

復扶又翻下頌復史復同

今年八月陵上荆一枝圍七寸二分者被斫司徒太常

奔走道路

說文荆楚木也司徒漢丞相之職漢制丞相與太常掌園陵被皮義翻

雖知事

小而按劾難測

劾戶槩翻又戶得翻

搔擾驅馳各競免負

負罪也

于

今太常禁止未解夫刑書之文有限而舛違之故無方

故有臨時議處之制

言法有一定之文而罪有故誤情有輕重故制令臨時隨事情議處

其罪處
昌呂翻

誠不能皆得循常也至於此等皆為過當

當丁浪翻

恐姦吏因緣得為淺深也既而曲議猶不止

曲議謂曲法而議自

為淺

三公尚書劉頌復上疏曰

晉志漢成帝置三公尚書主斷獄光武以三公

曹主歲盡考

課州郡事

自近世以來法漸多門令甚不一吏不知

所守下不知所避姦偽者因以售其情居上者難以檢

其下

檢校檢束也

事同議異獄犴不平

犴魚肝翻野獄曰犴

夫君臣之

分各有所司法欲必奉故令主者守文理有窮塞故使

大臣釋滯事有時宜故人主權斷塞悉則翻斷丁主者

守文若釋之執犯蹕之平也事見十四卷大臣釋滯若

公孫宏斷郭解之獄也事見十八卷人主權斷若漢

祖戮丁公之為也事見十一卷天下萬事自非此類不

得出意妄議皆以律令從事然後法信於下人聽不惑

吏不容姦可以言政矣考異曰刑法志叙頌奏續顧

亮按顧表引元康八年事乃下詔郎令史復出法駁案

時亮死已久蓋志誤也

者隨事以聞然亦不能革也

郎令史尚書郎及尚書蘭臺令史也出法駁案者謂

出於法之外而為駁議也駁北角翻

頌遷吏部尚書建九班之制欲令百

官居職希遷考課能否明其賞罰賈郭用權仕者欲速

事竟不行裴頠薦平陽韋忠於張華

魏邵陵厲公正始八年分河東郡之

汾北為平陽郡

華辟之忠辭疾不起人問其故忠曰張茂先華

而不實裴逸民愆而無厭

張華字茂先裴頠字逸民厭於鹽翻

棄典禮而

附賊后此豈大丈夫之所為哉逸民每有心託我我常

恐其溺於深淵而餘波及我况可褰裳而就之哉

溺奴秋翻

關內侯敦煌索靖知天下將亂

敦徒門翻
索蘇各翻

指洛陽宮門

銅駝歎曰會見汝在荆棘中耳

銅駝魏明帝景初元年自長安徙之洛陽

冬十一月甲子朔日有食之

初廣城君郭槐以賈后

無子常勸后使慈愛太子賈謐驕縱數無禮於太子

數所

角翻

廣城君恒切責之

恒戶登翻

廣城君欲以韓壽女為太子

妃太子亦欲婚韓氏以自固壽妻賈午及后皆不聽而

為太子聘王衍少女太子聞衍長女美而后為賈謐聘

之

為于偽翻少詩
照翻長知兩翻

心不能平頗以為言及廣城君病臨

終執后手令盡心於太子言甚切至又曰趙榮賈午必

亂汝家事我死後勿復聽入深記吾言

郭槐妬狠而垂沒之時所以告

戒其女者如此蓋多權數故其智慮能及此耳復扶又翻下同

后不從更與榮午謀害

太子太子幼有令名

事見上卷武帝太康十年

及長不好學

長知兩翻好呼

報翻下同

惟與左右嬉戲賈后復使黃門輩誘之為奢靡威

虐誘音西

由是名譽浸減驕慢益彰或廢朝侍而縱遊逸

朝直通翻

於宮中為市使人屠酤手揣斤兩

揣初委翻

輕重不差

其母本屠家女也故太子好之

古者擇女必求之名門取其幽閒令淑者良有

以也呼到翻

東宮月俸錢五十萬

俸扶用翻

太子常探取二月用

之猶不足

探川南翻又他組翻探取預取也

又令西園賣葵菜藍子雞

麵等物而收其利

葵亦菜也魯相公儀休拔園葵漆室氏女口晉客馬踐吾葵使吾終歲不

食葵是也藍盧甘翻草可以染青者也本草圖經曰藍實人家蔬圃中作畦種蒔三月四月生苗高三四尺許

葉似水蓼花紅白色實亦若蓼子而大黑色五月六月採實麪屑麥為之又好陰陽小數多

所拘忌

班固曰陰陽家蓋出於義和之官敬順昊天厯象日月星辰敬授人時此其所長也及拘者為

之則牽於禁忌泥於小數捨人事而任鬼神

洗馬江統上書陳五事一曰雖

有微苦空力疾朝侍

苦亦疾也朝直遙翻

二曰空勤見保傳咨詢

善道三曰畫室之功可宜減省

畫室以五采繪畫室屋也畫與畫同

後園

刻鏤雜作一皆罷遣

鏤郎豆翻

四曰西園賣葵藍之屬虧敗

國體貶損令聞

敗補邁翻開音問

五曰繕牆正瓦不必拘孥小

忌

孥問綠翻

太子皆不從中舍人杜錫

晉志太子中舍人四威寧四年置以舍

人才學美者為之與中庶子共掌文翰職如黃門侍郎在中庶子下洗馬上

恐太子不得安

其位每盡忠諫勸太子修德業保令名言辭懇切太子

患之置針著錫常所坐氈中

著陟畧翻

刺之血流

刺七亦翻

錫預

之子也

杜預武帝時建平吳之功

太子性剛知賈謐恃中宮驕貴不

能假借之謚時為侍中至東宮或捨之於後庭遊戲詹

事裴權諫曰

詹事秦官掌太子家晉初未置詹事宮事無大小皆由二傅咸寧元年置詹事掌宮

事二傅不復令官屬

謚后所親昵

昵尼質翻

一旦交構則事危矣不從

謚譖太子於后曰太子多畜私財以結小人者為賈氏

故也

為子偽翻

若宮車晏駕彼居大位依楊氏故事誅臣等

廢后於金墉如反手耳

賈后殺楊駿廢太后天地之所不容也觀其姑姪之間所言若

此則其心固不能一息安也

不如早圖之更立慈順者可以自安

更工

衡翻

后納其言乃宣揚太子之短布於遠近又詐為有娠

娘升人
翻孕也

內藁物產具取妹夫韓壽子慰祖養之欲以代

太子於是朝野咸知賈后有害太子之意中護軍趙俊

請太子廢后太子不聽左衛率東平劉卞以賈后之謀

問張華

帝在東宮置衛率初曰中衛率泰始五年分為左右各領一軍愍懷在東宮又加前後二率謂

之四率率
所律翻

華曰不聞卞曰卞自須昌小吏受公成拔以

至今日

須昌縣屬東平國卞自縣小吏從令入洛歷官至左衛率

士感知已是以盡

言而公更有疑於卞邪華曰假令有此君欲如何卞曰

東宮俊又如林

時江統潘滔王敦等皆為東宮官屬馬融曰才過千人曰俊百人曰又

四

率精兵萬人公居阿衡之任若得公命皇太子因朝入

錄尚書事

朝直遙翻下同

廢賈后於金墉城兩黃門力耳華曰

今天子當陽太子人子也吾又不受阿衡之命

華自言事任不

可以伊尹自居

忽相與行此是無君父而以不孝示天下也況

權威滿朝威柄不一成可必乎賈后常使親黨微服聽

察於外頗聞卞言乃遷卞為雍州刺史

雍於用翻

卞知言泄

飲藥而死

賈后剛悍使問卞言而張華不以告則華必死于賈后之手意卞言實華泄之也

十

二月太子長子彪病

長知兩翻彪甫斤翻又方問翻

太子為彪求王爵

不許彰疾篤太子為之禱祀求福

為于偽翻

賈后聞之乃詐

稱帝不豫召太子入朝既至后不見置于別室遣婢陳

舞以帝命賜太子酒三升使盡飲之太子辭以不能飲

三升舞逼之曰不孝邪天賜汝酒而不飲

臣子以君父為天故以君

父之賜為天賜

酒中有惡物邪太子不得已彊飲至盡

彊其兩翻

遂

大醉后使黃門侍郎潘岳作書草

潘岳此事自當赤族其後天假手於孫秀

耳令小婢承福以紙筆及草因太子醉稱詔使書之文

曰陛下空自了不自了吾當入了之中宮又空速自了

不自了吾當手了之并與謝妃共要刻期兩發勿疑猶豫以致後患茹毛飲血於三辰之下皇天許當掃除患害立道文為王將氏為內主願成當以三牲祠北君太

子醉迷不覺遂依而寫之

謝妃太子母也要約也言并
以書與謝妃約刻期內外俱

發也茹毛飲血謂盟誓也虜字道文將氏虜母將保林
也內主言將立為后也三牲牛羊豕也北君北帝也按
此書不惟無證佐使常人觀之亦知其偽為而不可信
晉朝王公卿尚書黃散視而不敢言張華之諫實亦不
敢發賈氏之姦姑引古義依違而言之耳裴頠請檢校
傳書者賈氏之姦無所逃矣而亦不敢竟其說上下相
蒙宜其
大亂也其字半不成后補成之以呈帝壬戌帝幸武乾

殿召公卿入使黃門令董猛以太子書及青紙詔示之

曰適書如此令賜死偏示諸公王莫有言者

諸公王宗室諸王之

為公者

張華曰此國之大禍自古以來常因廢黜正嫡以

致喪亂

喪息浪翻

且國家有天下日淺願陛下詳之裴頠以

為宜先檢校傳書者又請比校太子手書不然恐有詐

妄賈后乃出太子啟事十餘紙衆人比視亦無敢言非

者賈后使董猛矯以長廣公主辭白帝曰

長廣公主武帝女下嫁甄

德

事宜速決而羣臣各不同其不從詔者宜以軍法從

事

欲以此言脅羣臣也

議至日西不決后見華等意堅懼事變乃

表免太子為庶人詔許之於是使尚書和郁等持節詣

東宮廢太子為庶人太子改服出拜受詔步出承華門

承華門東宮門也陸機

詩所謂振纓承華是也

乘羸犢車東武公澹以兵仗送

太子及妃王氏三子彪臧尚同幽于金墉城王衍自表

離婚許之妃慟哭而歸

清談之禍起於何晏何晏猶與曹爽同禍福若王衍者又不逮

何晏

殺太子母謝淑媛及彪母保林蔣俊

保林良姊漢六宮十四等

之數魏晉以下為東宮女官品秩

師古曰保林言其可安衆如林也

永康元年春正月癸亥朔

考異曰帝紀天文志皆有已卯日食宋志無之按長厯

已卯十七日安得日食

赦天下改元西戎校尉司馬閭續

武帝置南蠻校

尉於襄陽西戎校尉於長安南夷校尉於寧州各有長史司馬

輿棺詣闕上書以為漢

戾太子稱兵拒命言者猶曰罪當答耳

事見二十二卷漢武帝征和二

年三年

今適受罪之日不敢失道猶為輕於戾太子宜重

選師傅

重再也重直龍翻

先加嚴誨若不悛改弃之未晚也

悛丑

綠翻

書奏不省

省悉景翻

續圉之孫也

閭圉見六十七卷漢獻帝建安二十年

賈

后使黃門自首

首式救翻下同

欲與太子為逆詔以黃門首辭

班示公卿遣東武公澹以千兵防衛太子幽于許昌宮

令持書御史劉振持節守之

持書御史即治書侍御史

詔宮臣不得

辭送洗馬江統潘滔舍人王敦杜蕤魯瑤等冒禁至伊

水拜辭涕泣

晉志太子舍人十六人職比散騎中書等侍郎水經注伊水過伊闕中東北至洛陽

縣南北入于洛

司隸校尉滿奮收縛統等送獄其繫河南獄者

樂廣悉解遣之

樂廣時為河南尹

繫洛陽縣獄者猶未釋

付郡者河

南尹得解遣之繫洛陽獄者尹不得與故未釋

都官從事孫琰說賈謐曰所以

廢徙太子以其為惡故耳今宮臣冒罪拜辭而加以重

辟流聞四方乃更彰太子之德也

說輪內翻下乃說不辟黜亦翻問音問

如釋之謚乃語洛陽令曹攄使釋之

攄抽居翻語牛倨翻

廣亦不

坐敦覽之孫

王覽見七十七卷魏高貴鄉公甘露元年

攄肇之孫也

曹肇見七十四

卷魏明帝

景初二年

太子至許遺王妃書

遺于季翻

自陳誣枉妃父衍

不敢以聞

丙子皇孫彪卒

非疾也作霖按彪字道文不當作

考異曰帝紀彪

霖今

從傳

三月尉氏雨血

尉氏縣自漢以來屬陳留郡應劭曰古獄官曰尉氏鄭之別獄

也臣瓚曰鄭大夫尉氏之邑故以為邑名師古曰鄭大夫尉氏亦以掌獄之官故為族耳應說是也雨于具翻

妖星見南方

星見妖而不知其名故但曰妖星妖於驕翻見賢適翻下同

太白晝見

晉天文志曰太白晝見與日史記天官書曰爭明疆國弱小國彊女主昌

中台星拆

魁下六星兩兩

而此者曰三台三台色齊君臣和不齊君臣乖戾漢天文志曰三台曰泰階上階上星為天子下星為女主中階上星為諸侯三公下星為卿大夫下階上星為士下星為庶人折共兩星不相比也

張華少子

韙勸華遜位

少詩照翻韙羽委翻

華不從曰天道幽遠不如靜以

待之

華所謂靜以待之者欲何所待也

太子既廢衆情憤怒右衛督

司馬雅常從督許超皆嘗給事東宮與殿中中郎士猗

等

右衛督常從督殿中中郎皆屬二衛武帝甚重兵官殿中軍校多選朝廷清望之士居之司馬雅宗室之

疎屬也從才用翻

謀廢賈后復太子以張華裴頠安常保位難

與行權右軍將軍趙王倫執兵柄性貪冒

冒密北翻

可假以

濟事乃說孫秀曰

說輸丙翻

中宮凶妬無道與賈謐等共誣

廢太子今國無嫡嗣社稷將危大臣將起大事而公名

奉事中宮與賈郭親善太子之廢皆云豫知

言倫秀豫知廢太子

之一朝事起禍必相及何不先謀之乎秀許諾言於倫

倫納焉遂告通事令史張林

通事令史中書令史也中書侍郎本通事郎官名雖

改令史猶以通事冠之陸機惠帝起居注曰張林者黑山賊張燕之曾孫

及省事張衡等

省

亦吏職也賈充為尚書令以目疾表置省事吏四員省事蓋自此始省悉景翻

使為內應事將

起孫秀言於倫曰太子聰明剛猛若還東宮必不受制

於人明公素黨於賈后道路皆知之今雖建大功於太

子太子謂公特逼於百姓之望翻覆以免罪耳

言百姓望太子

復倫等畏逼故背賈氏復太子以求自免罪

雖含忍宿忿必不能深德明公

若有瑕釁猶不免誅不若遷延緩期

遷其事而遷延未發也

賈后

必害太子然後廢賈后為太子報讐

為于偽翻

非徒免禍而

已乃更可以得志倫然之秀因使人行反間

問古

言殿

中人欲廢皇后立太子

司馬雅許超士倚皆殿中人也

賈后數遣宮婢

微服於民間聽察

數所

聞之甚懼倫秀因勸謚等早除

太子以絕衆望癸未賈后使太醫令程據和毒藥

和戶

矯詔使黃門孫慮至許昌毒太子太子自廢黜恐被毒

常自煮食於前

被皮義翻

慮以告劉振振乃徙太子於小坊

中絕其食宮人猶竊於牆上過食與之慮逼太子以藥

太子不肯服慮以藥杵椎殺之

椎傳追翻

有司請以庶人禮

葬賈后表請以廣陵王禮葬之

夏四月辛卯朔日有

食之

趙王倫孫秀將討賈后告右衛飲飛督閭和

晉制

右衛有飲飛虎賁二督飲飛荆人赴江斬蛟古
勇士也自漢以來以為衛士之號飲日四翻和從之

期以癸巳丙夜一籌以鼓聲為應丙夜夜三鼓丙夜一籌三更一點也癸

巳秀使司馬雅告張華曰趙王欲與公共匡社稷為天

下除害

為手偽翻

使雅以告華拒之雅怒曰刃將在頸猶為

是言邪不顧而出

華素有籌略雅辭氣之忤如此而無以處之蓋亦知衆怒不可遏而已為

賈后用心不敗背之及期倫矯詔勅三部司馬曰

晉二衛有

前驅由基彊弩三部司馬

中宮與賈謐等殺吾太子今使車騎入廢

中宮

時趙王倫以車騎將軍領右軍將軍

汝等皆當從命事畢賜爵關中

侯不從者誅三族衆皆從之又矯詔開門夜入陳兵道

南

御道之南也

遣翊軍校尉齊王冏

武帝太康元年置翊軍校尉冏居永翻

將

百人排閤而入華林令駱休為內應

華林令華林園令也魏起芳林園後

避齊王芳諱改曰華林園有天淵池池中有魏文帝九

花叢殿晉志華林令屬大鴻臚姓譜齊太公之後有公

子駱子孫以為氏又秦之先有大駱

迎帝幸東堂以詔召賈謐於殿前將

誅之謐走入西鍾下呼曰阿后救我

呼大故翻阿今相傳從安入聲就

斬之賈后見齊王冏驚曰卿何為來冏曰有詔收后后

曰詔當從我出何詔也后至上閤遙呼帝曰陛下有婦

使人廢之亦行自廢矣是時梁王彤亦預其謀后問問

曰起事者誰問曰梁趙后曰繫狗當繫頸反繫其尾何

得不然

恨不先誅梁趙也

遂廢后為庶人幽之於建始殿收趙

粲賈午等付暴室考竟

晉志暴室令屬光祿勳

詔尚書收捕賈氏

親黨召中書監侍中黃門侍郎八座皆夜入殿尚書始

疑詔有詐郎師景露版奏請手詔

郎尚書郎也師姓景名

倫等斬

之以徇倫陰與秀謀篡位欲先除朝望

朝真遙翻

且報宿怨

乃執張華裴頠解系解結等於殿前

倫秀怨華頠系事見上卷元康六年

結系弟也秀亂關中結
議秀罪應誅故亦怨之

華謂張林曰卿欲害忠臣邪林

稱詔詰之曰

詰去
吉翻

卿為宰相太子之廢不能死節何也

華曰式乾之議臣諫事具存可覆按也林曰諫而不從

何不去位華無以對遂皆斬之仍夷三族解結女適裴

氏明日當嫁而禍起裴氏欲認活之女曰家既如此我

何以活為亦坐死朝廷由是議革舊制女不從死

不從
父母

家同生
死也

甲午倫坐端門

宮門正南
門曰端門

遣尚書和郁持節送

賈庶人于金墉

楊太后太子適之廢史皆不書為
庶人此獨書賈庶人者正其罪也

誅劉

振董猛孫慮程據等司徒王戎及內外官坐張裴親黨黜免者甚衆閭繢撫張華尸慟哭曰早語君遜位而不肯今果不免命也

語牛倨翻

於是趙王倫稱詔赦天下自為

使持節都督中外諸軍事相國侍中一依宣文輔魏故

事

晉書曰丞相國秦官也晉受魏禪並不置自惠帝之後省置無恒為之者趙王倫梁王彤成都王穎南

陽王保王敦王導之徒非復人臣之職也今按宣王懿以丞相輔魏文王昭以相國輔魏皆非人臣之職置

府兵萬人以其世子散騎常侍琴領允從僕射

琴估花翻楊正

衡音孚晉志允從僕射屬光祿勳從才用翻

子馥為前將軍封濟陽王

濟子禮翻

虔為黃門郎封汝陰王詡為散騎侍郎封霸城侯

黃門郎即

黃門侍郎散騎侍郎魏初與散騎常侍同置自魏至晉散騎常侍侍郎與侍中黃門侍郎共平尚書奏事皆要

官也孫秀等皆封大郡並據兵權文武官封侯者數千人

百官總已以聽於倫

朱氏曰總已謂總攝已職

倫素庸愚復受制于

孫秀

復扶又翻

秀為中書令威權振朝廷天下皆事秀而無

求於倫詔追復故太子適位號使尚書和郁帥東宮官

屬迎太子喪于許昌

帥讀曰率

追封適子彪為南陽王封彪

弟臧為臨淮王尚為襄陽王有司奏尚書令王衍備位

大臣太子被誣志在苟免

謂太子遺王妃書自陳誣枉行不敢以聞也

請禁

錮終身從之相國倫欲收人望選用海內名德之士以

前平陽太守李重榮陽太守苟組為左右長史東平王

堪沛國劉謨為左右司馬尚書郎陽平東督為記室

魏

帝黃初二年分魏郡置陽平郡記室主文翰東督漢太

子太傅疎廣之後廣曾孫避難因去疎字之足改姓為

東續漢志曰記室

主上章表報書記

淮南王文學荀崧殿中郎陸機為參

軍

殿中郎尚書郎也主殿中曹

組勗之子

勗為晉初佐命之臣

崧或之玄孫也

苟或為魏初佐命之官

李重知倫有異志辭疾不就倫逼之不已

憂憤成疾扶曳受拜數日而卒 丁酉以梁王彤為太

宰左光祿大夫何劭為司徒右光祿大夫劉寔為司空

晉志左右光祿大夫假金章紫綬品秩第二祿賜班位冠幘車服佩玉置吏卒羽林後之金紫光祿大夫蓋魏晉之左右光祿大夫也但魏晉之大夫皆為專官後世則為寄祿官耳杜佑曰魏晉以來左右光祿三大夫皆銀印青綬其重者詔加金章紫綬者則謂之金紫光祿大夫重者既有金紫之號故謂本光祿為銀青光祿大夫

夫子適之廢也將立淮南王允為太弟議者不合

言有持異議者也

會趙王倫廢賈后乃以允為驃騎將軍開府

儀同三司領中護軍 己亥相國倫矯詔遣尚書劉宏

齋金屑酒賜賈后死于金墉城 五月己巳詔立臨海

王臧為皇太孫還妃王氏以母之

太子之廢也歸王妃于父母家

太子

官屬即轉為太孫官屬相國倫行太孫太傅 己卯謚

故太子曰愍懷六月壬寅葬于顯平陵 清河康王遐

薨

中護軍淮南王允性沈毅

沈持林嗣

宿衛將士皆畏服

之允知相國倫及孫秀有異志陰養死士謀討之倫秀

深憚之秋八月轉允為太尉外示優崇實奪其兵權

中護

軍掌兵轉太尉則兵權去矣

允稱疾不拜秀遣御史劉機逼允收其

官屬以下劾以拒詔大逆不敬

劾戶縣翻又戶得翻

允視詔乃秀

手書也大怒收御史將斬之御史走免斬其令史二人

此蘭臺令史也

厲色謂左右曰趙王欲破我家遂帥國兵及帳

下七百人直出

國兵淮南國兵也帳下中護軍帳下也帥讀曰率

大呼曰

呼火故翻

趙王反我將討之從我者左袒於是歸之者甚衆允將

赴宮尚書左丞王興閉掖門

宮門端門之左曰左掖門右曰右掖門

允不

得入遂圍相府

時倫以東宮為相府

允所將兵皆精銳

將即亮翻

倫與

戰屢敗死者千餘人太子左率陳徽勒東宮兵鼓譟於

內以應允

左率即左衛率

允結陳於承華門前弓弩齊發射倫

飛矢雨下

陳讀曰陣射而亦翻

主書司馬睦祕以身蔽倫

續漢志尚書三

十六曹郎曹有三主書此主書司馬蓋相國府官屬倫所自署置睦息隨翻姓也

箭中其背而

死

中竹仲翻下同

倫官屬皆隱樹而立每樹輒中數百箭自辰

至未中書令陳淮

前有中書令陳淮蓋準字之誤也

徽之兄也欲應允

言於帝曰宜遣白虎幡以解鬪

白虎幡以虎軍進戰非以解鬪也陳準蓋以帝

庸愚故請以白虎幡麾軍欲倫兵見之以為允之攻倫出於帝命將自潰也否則何以應允

乃使司

馬督護伏盾將騎四百持幡從宮中出

司馬督護亦殿中將校屬二衛

侍中汝陰王虔在門下省陰與屑誓曰富貴當與卿共

之屑乃懷空板出

空板不書詔之板本無詔書而別取空板懷之以出也

詐言有

詔助淮南王允不之覺開陣內之下車受詔屑因殺之

并殺允子秦王郁漢王廸坐允夷滅者數千人曲赦洛

陽

不普赦天下而獨赦洛陽故曰曲赦

初孫秀嘗為小吏事黃門郎潘岳

岳屢撻之

孫秀琅邪人潘岳為琅邪內史秀為小吏給岳役黜自喜岳惡其為人數撻辱之

衛

尉石崇之甥歐陽建素與相國倫有隙

建表倫罪惡見上卷元康六年

崇有愛妾曰綠珠

綠珠善吹笛太平廣記曰今白州雙角山下有綠珠井昔梁氏之女有容

貌石崇使交州以真珠三斛買之梁氏之居舊井存焉汲飲者必誕美女里閭以美女無益遂以石填之孫秀使求之崇不與及淮南王允敗秀因稱石崇潘岳歐

陽建奉允為亂收之

考異曰崇傳曰崇建潛知其計陰勸淮南王允齊王同圖趙王倫

若崇果與允同謀允敗崇應惶懼不應被收時方宴于樓上蓋倫秀以舊怨誣殺之耳今按石崇傳孫秀索綠珠崇不許秀怒乃勸倫誅崇崇正宴於樓上介士到門崇謂綠珠曰我今為爾得罪綠珠泣曰當效死于君前因自投於樓下而死崇歎曰奴輩利吾財爾收者曰知財為禍

何不早散之崇不能答初潘岳母常謂責岳曰汝當知

足而乾沒不已乎

蓋戒岳乘時射利不知止也服虔曰乾沒射成敗也如淳曰得利為乾失

利為沒乾音干一說以水為喻也言其視利而趨雖乾而在陸沒而滅頂皆所不顧也及敗岳謝

母曰負阿母

阿從安入聲

遂與崇建皆族誅籍沒崇家相國

倫收淮南王母弟吳王晏欲殺之光祿大夫傅祗爭之

於朝堂

朝直遙翻

衆皆諫止倫乃貶晏為賓徒縣王

賓徒縣前漢屬

遼西郡後漢屬遼東屬國都尉晉屬昌黎郡

齊王冏以功遷游擊將軍

晉志驍騎

將軍游擊將軍並漢雜號將軍也魏置為中軍及晉以領護左右衛驍騎游擊為六軍

冏意不滿

有恨色孫秀覺之且憚其在內乃出為平東將軍鎮許

昌

為冏自許昌起兵討倫張本

以光祿大夫陳準為太尉錄尚書

事未幾薨 孫秀議加相國倫九錫百官莫敢異議史

部尚書劉頌曰昔漢之錫魏魏之錫晉皆一時之用非

可通行

謂禪代然後有九錫非常典也

周勃霍光其功至大皆不聞有

九錫之命也

謂周勃霍光定策以安漢室且不聞有九錫之命所以折倫秀之姦謀也

張林

積忿不已以頌為張華之黨將殺之孫秀曰殺張裴已

傷時望不可復殺頌林乃止

復扶又翻下同

以頌為光祿大夫

晉志光祿大夫與卿同秩中二千石若進賢兩梁冠黑介幘五時朝服佩水蒼玉

考異曰三十國春秋云倫

黨人怒謀害頌頌懼自殺頌傳云頌為光祿尋病卒今從傳

遂下詔加倫九錫復加

其子莽撫軍將軍

撫軍將軍文帝以授武帝遂以代魏倫以加其世子意趣為何

虔中

軍將軍

武帝受禪置中軍將軍統宿衛七軍尋罷已而復置

詡為侍中又加孫秀

侍中輔國將軍相國司馬右率如故

右率右衛率也不解此官者欲握東

宮兵張林等並居顯要增相府兵為二萬人與宿衛同并

所隱匿之兵數踰三萬九月改司徒為丞相以梁王彤

為之彤固辭不受倫及諸子皆頑鄙無識秀狡黠貪淫

點下

所與共事者皆邪佞之士惟競榮利無遠謀深畧

志趣乖異互相憎嫉秀子會為射聲校尉形貌短陋如

奴僕之下者秀使尚帝女河東公主

史言倫秀兵已
在頸乃圖非望

冬十一月甲子立皇后羊氏赦天下后尚書郎泰山羊

玄之女也外祖平南將軍樂安孫旂與孫秀善故秀

立之拜玄之光祿大夫特進散騎常侍封興晉侯

晉志
光祿

大夫假銀章青綬者品秩第三加特進則品秩與
左右光祿大夫同矣晉置興晉郡在唐河州界

詔

徵益州刺史趙廞為大長秋

廞許
今翻

以成都內史中山耿

滕為益州刺史

晉諸王國置內史猶漢王國相也武帝
太康九年改諸王國相為內史

考異

曰帝紀作耿勝載記華
陽國志作滕今從之

廞賈后之姻親也聞徵甚懼

懼

賈后親
黨連坐

且以晉室衰亂陰有據蜀之志乃傾倉廩賑流

民以收衆心以李特兄弟材武其黨類皆巴西人與廡

同郡

李特黨類本巴氏
趙廡亦巴西人也

厚遇之以為爪牙特等憑恃廡

執專聚衆為盜蜀人患之

特等入蜀事始
上卷元康八年

滕數密表流

民剛剽蜀人懦弱

數所角翻剽匹
妙翻悞奴亂翻

主不能制客必為亂

階空使還本居若留之險地

蜀地阻險

恐秦雍之禍更移于

梁益矣

流民本居秦
雍雍於用翻

廡聞而惡之

惡烏路翻

州被詔書遣文

武千餘人迎滕是時成都治少城益州治太城

二城皆
秦張儀

所築儀既築太城後一年又築少城太城今成都府子城也少城唯西南北三壁東即太城之西墉也少詩照

翻

廩猶在太城未去滕欲入州功曹陳恂諫曰今州郡

構怨日深

州謂益州郡謂成都此言廩滕構怨也

入城必有大禍不如留

少城以觀其變檄諸縣合村保以備秦氏

李特等本巴氏蜀人以其

徙居秦州界

陳西夷行至

陳西夷謂西夷校尉陳總也行至言總來領西夷校尉之

職行且至成都也晉置西夷校尉於汶山平越中郎將於廣州南蠻校尉于襄陽南夷校尉于寧州

且當

待之不然退保健為西渡江源以防非常

江源縣漢屬蜀郡後李雄

分立江源郡晉改為多融縣又改為晉原縣唐蜀州之晉原青城唐安三縣皆漢江源縣地健居言翻

滕

不從是日帥衆入州

帥讀曰率下同

廡遣兵逆之戰于西門滕

敗死

考異曰華陽國志曰戰于廣漢宣化亭殺傳詔按川郡俱治成都不容戰于廣漢又趙廡若已與

滕戰不應欲直入州今從載記

郡吏皆竄走惟陳恂面縛詣廡請滕死

請其屍而葬之死讀曰屍

廡義而許之廡又遣兵逆西夷校尉陳摠

摠至江陽

江陽縣漢屬犍為郡劉璋分江陽郡唐瀘州瀘川綿水二縣漢江陽之地也

聞廡

有異志主簿蜀郡趙模曰今州郡不協必生大變當速

行赴之府是兵要助順討逆

言西夷府摠蜀兵之要順謂朕滕逆謂趙廡使摠助

滕討廡也

誰敢動者摠更緣道停留比至南安魚涪津

南安屬

捷為郡有魚涪津唐耆州青神縣漢南安縣地宋白曰榮州應靈縣貢官縣嘉州龍川縣皆漢安南縣比音必

寐翻涪

已遇廩軍模白揔散財募士以拒戰若克州軍

音浮

則州可得

言破廩軍則益州可取罪人斯得矣

不克順流而退必無害也

言順流而退廩軍孰不能追必無所害

揔曰趙益州忿耿侯故殺之與吾

無嫌何為如此

兵臨其前猶發是言陳揔特庸人耳

模曰今州起事必當

殺君以立威雖不戰無益也言至垂涕揔不聽衆遂自

潰揔逃草中模著揔服格戰

若陟畧翻

廩兵殺模見其非是

更搜求得揔殺之

搜尋也

考異曰帝紀廩又殺捷為太守李密汶山太守霍固按華陽國

志捷為太守李泌汶山太守楊邠
非密固也載記亦作李泌蓋紀誤
邠自稱大都督大將

軍益州牧

考異曰晉春秋云建號太平元年他書無之今不取

署置僚屬改易

守令王官被召無敢不往

王官謂晉朝所命者被皮義翻

李庠帥妹壻

李含天水任回上官晶扶風李攀始平費他

帥讀曰率楊正衡曰

晶音精武帝泰始二年分扶風置始平郡費扶弗翻他徒河翻

氏苻成隗伯等四千騎

歸廡廡以庠為威寇將軍

沈約志威寇將軍四十號之第七

封陽泉亭

侯委以心膂使招合六郡壯勇至萬餘人以斷北道

六郡

即天水畧陽等六郡壯勇流民之壯勇者北道自關中入蜀之道斷丁管翻

資治通鑑卷八十三

欽定四庫全書

資治通鑑卷八十四

宋 司馬光 撰

胡三省 音註

晉紀六

起重光作靈盡玄
默闡茂凡二年

孝惠皇帝中之上

永寧元年

此猶是永康二年正月乙丑趙王倫
改元建始四月帝反正始改元永寧

春正月

以散騎常侍安定張軌為涼州刺史

散悉置翻
騎奇寄翻

軌以時

方多難陰有保據河西之志故求為涼州時州境盜賊

縱橫

難乃旦翻縱子容翻

鮮卑為寇軌至以宋配汜瑗為謀主

正楊

衡曰汜音凡姓也瑗于春翻

悉討破之威著西土

張氏保據涼土始此嗚呼世亂則人

思自全然求全而不能自全者亦多矣竇融張軌之求出河西此求全而得全者也謝晦袁顗之求鎮荆襄此求全而不能自全者也蓋竇融張軌始終一心以奉漢晉此固宜永終福祿詔及子孫者也謝晦袁顗志在據地險以全身其用心非矣天所不與也然劉焉求牧益州袁紹志圖冀部石敬瑭心欲河東皆以之潛規非望至其成敗久速則有非智慮所及者

相國倫與孫秀使牙門趙奉詐傳

宣帝神語云倫宜早入西宮

司馬懿追謚宣皇帝時倫以東宮為相國府謂禁中

為西宮

散騎常侍義陽王威望之孫也素諳事倫倫以威

兼侍中使威逼奪帝璽綬作禪詔又使尚書令滿奮持

節奉璽綬

璽斯氏翻
綬音受

禪位於倫左衛將軍王興前軍將

軍司馬雅等帥甲士入殿

帥讀
曰率

曉諭三部司馬示以威

賞無敢違者張林等屯守諸門

屯守宮城
諸門也

乙丑倫備灋

駕入宮即帝位

考異曰三十國春秋云倫將篡位義
陽王威執詔示嵇紹曰聖上法堯舜之

舉卿其然乎紹厲聲曰有死而已終不有二威怒拔劍

而出及惠帝遷于金墉城唯紹固志不從直于金墉絕

不通倫時人皆為之懼晉書忠義傳云倫篡位紹為侍

中惠帝復祚遂居其職二說不同今皆不取復祚之

祚當赦天下改元建始帝自華林西門出居金墉城

華林

西門華林園西門也

倫使張衡將兵守之

將即亮翻

丙寅尊帝為太上

皇改金墉曰永昌宮廢皇太孫為濮陽王

濮博木翻

立世子

萼為太子

萼枯花翻楊正衡音孚

封子馥為京兆王

虔為廣平

王詡為霸城王皆侍中將兵以梁王彤為宰衡

彤余中翻

何

劭為太宰孫秀為侍中中書監票騎將軍儀同三司

票宗匹

妙翻

義陽王威為中書令張林為衛將軍其餘黨與皆為

卿將

卿將列卿及諸中郎將也將即亮翻

超階越次不可勝紀

勝音升

下至

奴卒亦加爵位每朝會貂蟬盈座

武冠一曰武弁諸武官冠之侍中中常侍

加黃金璫附蟬為文貂尾為飾謂之趙惠文冠胡廣說
曰趙武靈王效胡服以金璫飾首前插貂尾為貴職秦
滅趙以其冠賜近臣應劭漢官曰說者以金取堅剛百
鍊不耗蟬居高飲潔口在腋下貂內勁悍而外溫潤此
因物生義也徐廣曰趙武靈王胡服有此秦漢即用
之說者蟬取其清高飲露而不食貂紫蔚采潤而毛采
不彰故於義亦取胡廣又曰意謂北方寒涼本以貂皮
暖額附施於冠因遂變成首飾沈約曰貂蟬之說因物
生義非其實也其實趙武靈王變胡服秦滅趙以其
君冠賜侍臣故秦漢以來侍臣有貂蟬也朝直還翻
人為之諺曰貂不足狗尾續史記曰狐裘雖敝不可
補以黃狗之皮亦此意是

歲天下所舉賢良秀才孝廉皆不試

舊制賢良秀才皆
策試而後補官

郡國計吏及太學生年十六以上皆署吏守令赦日在

職者皆封侯

又守式翻

郡綱紀並為孝廉縣綱紀並為廉吏

郡綱紀功曹之屬縣綱紀主簿錄事史之屬廉吏亦選舉之一科史言倫秀欲以監恩收衆心

府庫之

儲不足以供賜與應侯者多鑄印不給或以白板封之

初平南將軍孫旂之子弼弟子髦輔琰皆附會孫秀與

之合族旬月間致位通顯及倫稱帝四子皆為將軍封

郡侯以旂為車騎將軍開府旂以弼等受倫官爵過差

必為家禍遣幼子回責之弼等不從旂不能制慟哭而

已

據晉書孫旂四子並以吏才稱於當世附麗非人至於滅族擇交之難也然孫旂先與孫秀親善故諸子

從而附會之擇交之不審何以詔其子
哉雖慟哭無益也孫族之赤旂實為之

癸酉殺濮陽

哀王臧孫秀專執朝政倫所出詔令秀輒改更與奪

朝直

遙翻更
工衡翻

自書青紙為詔或朝行夕改百官轉易如流張

林素與秀不相能且怨不得開府潛與太子荂賤言秀

專權不合衆心而功臣皆小人撓亂朝廷

撓火高翻
又奴巧翻

可

悉誅之荂以書白倫倫以示秀秀勸倫收林殺之夷其

三族秀以齊王冏成都王穎河間王顥各擁彊兵據方

面惡之

周鎮許昌穎鎮鄴顥鎮開
中惡烏路翻顥魚容翻

乃盡用其親黨為三

王參佐加同鎮東大將軍頴征北大將軍皆開府儀同三司以寵安之李庠驍勇得衆心趙獻浸忌之而未

言

驍堅亮翻
獻許今翻

長史蜀郡杜淑張粲說獻曰將軍起兵始

爾而遽遣李庠握彊兵於外

謂獻使庠招合壯勇以
斷北道也說輸為翻非

我族類其心必異此倒戈授人也宜早圖之會庠勸獻稱尊號淑粲因白獻以庠大逆不道引斬之并其子姪

十餘人

考異曰載記曰及其子姪宗族三十餘人今
從華陽國志又國志庠死在末年冬晉春秋在

今年春
今從之

時李特李流皆將兵在外獻遣人慰撫之曰庠

非所宜言罪應死兄弟罪不相及復以特流為督將

將即

亮翻

特流怨廡引兵歸縣竹廡牙門將涪陵許弇求為巴

東監軍

涪陵縣漢屬巴郡蜀分為涪陵郡涪音浮監音工衡翻

杜淑張粲固執不

許弇怒手殺淑粲於廡閣下淑粲左右復殺弇

復扶又翻

三

人皆廡之腹心也廡由是遂衰

腹心既死廡無所倚故其勢衰

廡遣長

史犍為費遠

犍居言翻費扶弗翻

蜀郡太守李苾督護常俊督萬

餘人斷北道屯縣竹之石亭

苾毘必翻縣竹縣漢屬廣漢郡晉屬新都郡唐屬漢

州斷丁管翻

李特密收兵得七千餘人夜襲遠等軍燒之死

者十八九遂進攻成都費遠李苾及軍祭酒張微夜斬

關走文武盡散廡獨與妻乘小船走至廣都為從者所

殺

從才用翻

特入成都縱兵大掠遣使詣洛陽陳廡罪狀初

梁州刺史羅尚聞趙廡反表廡非雄才蜀人不附敗亡

可計日而待詔拜尚平西將軍益州刺史督牙門將王

敦

此別一王敦

蜀郡太守徐儉廣漢太守辛冉等七千餘人

入蜀特等聞尚來甚懼使其弟驤於道奉迎并獻珍玩

尚悅以驤為騎督

驤斯將翻騎奇寄翻騎督督騎兵

特流復以牛酒勞

尚於緜竹王敦辛冉說尚曰

復扶又翻勞力到翻說輸芮翻

特等專為

盜賊宜因會斬之不然必為後患尚不從冉與特有舊

謂特曰故人相逢不吉當凶矣特深自猜懼三月尚至

成都汶山羗反尚遣王敦討之為羗所殺

汶音岷興曰帝紀在

八月疑是洛陽始知今從華陽國志

齊王冏謀討趙王倫未發會離狐

王盛

離狐縣前漢屬東郡後漢晉屬濟陰郡唐天寶元年改為南華縣屬鄆州

潁川處穆晉書

作王處穆

聚衆於濁澤

濁澤在潁川長社縣

百姓從之日以萬數倫以

其將管襲為齊王軍司討盛穆斬之冏因收襲殺之

考

異曰齊王罔傳曰罔潛與盛穆謀起兵誅倫未發恐事泄乃與襲殺穆送首於倫以安其意今從三十國春秋

與豫州刺史何勗龍驤將軍董艾等起兵遣使告成

都王潁河間王顥常山王乂及南中郎將新野公歆

晉志

曰四中郎將並後漢置武帝以來四中郎將或領刺史或持節為之歆扶風王駿之子也移檄征鎮

州郡縣國

征鎮四征四鎮居方面者

稱逆臣孫秀迷誤趙王當共誅

討有不從命者誅及三族使者至鄴成都王潁召鄴令

盧志謀之志曰趙王篡逆人神共憤殿下收英俊以從

人望杖大順以討之百姓必不召自至攘臂爭進蔑不

克矣

茂無也

穎從之以志為諮議參軍

諮議參軍晉公府皆買之蓋取諮詢

謀議軍事也其位在諸參軍之上

仍補左長史志毓之孫也

盧毓見七十三卷魏

明帝景初元年

穎以兖州刺史王彥冀州刺史李毅督護趙驤

石超等為前鋒遠近響應至朝歌

朝歌縣前漢屬河內郡晉分屬汲郡隋大

業二年改朝歌縣為衛縣屬衛州有紂所都朝歌城在縣西

衆二十餘萬超苞之孫

也

石苞事武帝武帝功參佐命

常山王乂在其國與太原內史劉暉

各帥衆為穎後繼

暉他昆翻帥讀曰率

新野公歆得同檄未知所

從嬖人王綏曰趙親而彊齊疎而弱

歆父扶風王駿與趙王倫皆宣帝子

歆於倫為叔姪其屬親罔於歆為從子其屬視倫為疎嬖卑義翻又博計翻

公宜從趙參軍

孫詢大言於衆曰趙王凶逆天下當共誅之何親疎彊

弱之有歆乃從罔前安西參軍夏侯奭在始平合衆數

千人以應罔遣使邀河間王顥顥用長史李含謀遣振

武將軍河間張方討擒奭及其黨腰斬之

沈約志振武將軍始於西

漢之末王莽以命王況

罔檄至顥執罔使送於倫

使疏

遣張方將

兵助倫方至華陰

華戶化翻

顥聞二王兵盛復召方還更附

二王

二王謂齊王罔成都王穎

罔檄至揚州州人皆欲應罔刺史郝

隆慮之玄孫也

郝丑之翻郝慮漢獻帝時為御史大夫

以兄子璽及諸子

悉在洛陽疑未決悉召僚吏謀之主簿淮南趙誘前秀才虞潭皆曰趙王篡逆海內所疾今義兵四起其敗必矣為明使君計莫若自將精兵徑赴許昌上策也

齊主同時

鎮許昌

遣將將兵會之中策也量遣小軍隨形助勝下策

也

將息亮翻量音良

隆退密與別駕顧彥謀之彥曰誘等下策

乃上計也治中留寶主簿張褒西曹留承聞之請見曰

不審明使君今當何施隆曰我俱受二帝恩

二帝謂宣帝武帝或

曰二帝謂惠帝及趙王倫非也無所偏助欲守州而已承曰天下世祖

之天下也

文帝廟號世祖文帝平諸葛誕滅蜀始宏晉業

太上承代已久

太上謂惠

帝時號太上皇

今上取之不平

今上謂趙王倫

齊王順時舉事成敗可

見

言齊王周舉事必成趙王倫必敗也

使君不早發兵應之狐疑遷延變

難將生

難乃旦翻

此州豈可保也隆不應潭翻之孫也

虞翻事吳

主權以直聞

隆停檄六日不下

停問檄不下曹下遐嫁翻

將士憤怨參軍

王邃鎮石頭將士爭往歸之隆遣從事於牛渚禁之不

能止

平吳之後揚州移鎮秣陵今於牛渚禁將士往石頭疑此時揚州又還治淮南也

將士遂

奉邃攻隆隆父子及顧彥皆死傳首於冏安南將軍監

沔北諸軍事孟觀以為紫宮帝座無他變

晉志北極五星鉤陳六星

皆在紫宮中鉤陳中一星曰天皇大帝大帝上九星曰華蓋所以覆蔽大帝之座也觀徒占天象而不察諸人事此其所以死也監

古術翻沔迷究翻

倫必不敗乃為之固守

為于偽翻

倫秀

聞三王兵起大懼

三王謂齊王冏成都王穎河間王顥也

詐為冏表曰不

知何賊猝見攻圍臣懦弱不能自固乞中軍見救

魏晉以禁

兵為中軍

庶得歸死以其表宣示內外遣上軍將軍孫輔折

衝將軍李嚴

上軍將軍蓋當時所置沈約志折衝將軍始於建安中曹公以樂進為之

帥兵

七千自延壽關出

晉志河南侯氏縣有延壽城帥讀曰率下同

征虜將軍張

泓左軍將軍蔡璜前軍將軍閻和帥兵九千自崞阪關

出

晉志河南陽城縣有崞阪關杜佑曰崞嶺在河南登封縣登封故嵩陽也崞五各翻阪音反

鎮軍

將軍司馬雅揚威將軍莫原

沈約志揚威將軍魏置姓譜莫姓楚莫敖之後帥

兵八千自成臯關出

晉志河南成臯縣有成臯關

以拒閭

三路出兵以拒閭

遣孫秀子會督將軍士猗許超帥宿衛兵三萬以拒顏

召東平王楙為衛將軍都督諸軍又遣京兆王馥廣平

王虔帥兵八千為三軍繼援

孫會士猗許超三人所將之軍為三軍

倫秀

日夜禱祈厭勝以求福

厭益葉翻

使巫覡選戰日

覡他狄翻

又使

人於嵩山著羽衣詐稱仙人王喬作書述倫祚長久欲

以惑衆

嵩山中嶽在潁川陽城縣漢武帝分置密高縣以奉中嶽東漢省併入陽城縣晉陽城縣屬河

南郡著陟畧翻劉向列仙傳曰王子喬周靈王太子晉也好吹笙作鳳鳴遊伊洛間道士浮邱公接上嵩山三十餘年後來於山上告桓良曰告我家七月七日待我於緱氏山頭果乘白鶴駐山嶺望之不得到舉手謝時人而去故倫秀詐以惑衆著陟畧翻

閏月丙戌朔日有食之自正月至

于是月五星互經天縱橫無常

志曰傳曰日陽君道也星陰臣道也日出則星

亡臣不得專也晝而星見午上為經天其占為不臣為更王今五星悉經天天變所未有也縱子容翻

張

泓等進據陽翟

陽翟縣屬潁川郡晉屬河南郡

與齊王罔戰屢破之

罔軍潁陰

潁陰縣在潁川郡潁陰去陽翟四十里

夏四月泓乘勝逼之罔

遣兵逆戰諸軍不動而孫輔徐建軍夜亂徑歸洛自首

曰

首式救翻

齊王兵盛不可當泓等已沒矣趙王倫大恐祕

之而召其子虔及許超還

欲召河北之軍還以自衛

會泓破罔露布

至倫乃復遣之

復扶又翻

泓等悉帥諸軍濟潁攻罔營

潁水出潁

川陽城縣少室東南流過陽翟縣之北帥讀曰率下同

罔出兵擊其別將孫髦司

馬譚等破之泓等乃退孫秀詐稱已破罔營擒得罔令

百官皆賀成都王穎前鋒至黃橋

朝歌西有黃澤澤水右入蕩水謂之黃雀

溝橋當在溝上

為孫會士猗許超所敗

敗補邁翻

殺傷萬餘人士衆

震駭穎欲退保朝歌盧志王彥曰今我軍失利敵新得

志有輕我之心我若退縮士氣沮衄不可復用

沮在呂翻衄女

六翻復扶又翻

且戰何能無勝負不若更選精兵星行倍道出

敵不意此用兵之奇也

星行者夜行戴星而行也

穎從之倫賞黃橋

之功士猗許超與孫會皆持節由是各不相從軍政不

一旦恃勝輕穎而不設備穎帥諸軍擊之大戰于渙水

湟水出河內軹縣東南至溫入河湟古間會等大敗棄
翻 考異曰趙王倫傳作激水今從帝紀

軍南走潁乘勝長驅濟河自固等起兵百官將士皆欲

誅倫秀秀懼不敢出中書省及聞河北軍敗憂慙不知

所為

慙母木翻
又莫困翻

孫會許超士猗等至與秀謀或欲收餘

卒出戰或欲焚宮室誅不附已者挾倫南就孫旂孟觀

孫旂在荊州
孟觀在宛

或欲乘船東走入海計未決辛酉左衛將

軍王興與尚書廣陵公灌

灌取
猗翻

帥營兵七百餘人自南

掖門入宮三部司馬為應於內攻孫秀許超士猗於中

書省皆斬之遂殺孫奇孫弼及前將軍謝惔等

惔徒甘翻

灌

佃之子也

佃音胃

王興屯雲龍門召八坐皆入殿中

坐但卧翻

使倫為詔曰吾為孫秀所誤以怒三王今已誅秀其迎

太上皇復位吾歸老于農畝傳詔以騶虞幡勅將士解

兵

傳詔者使之宣傳詔命因以為官名

黃門將倫自華林東門出及太子

恭皆還汶陽里第

將如字引也恭枯花翻楊士衡音孚洛陽城中有汶陽里倫私第在焉楊

正衡曰汶音問

遣甲士數千迎帝于金墉城百姓咸稱萬歲帝

自端門入升殿羣臣頓首謝罪詔送倫恭等赴金墉城

廣平王虔自河北還至九曲

水經注九曲濱在河南鞏縣西

聞變棄軍

將數十人歸里第癸亥赦天下改元

改元永寧

大酺五日

酺薄

乎翻

分遣使者慰勞三王

勝力到翻

梁王彤等表趙王倫父子

凶逆宜伏誅丁卯遣尚書袁敞持節賜倫死收其子參

馥虔誦皆誅之凡百官為倫所用者皆斥免臺省府衛

僅有存者

尚書御史謁者臺門下中書祕書省府諸公府也衛二衛及六軍也

是日成都

王頴至己巳河間王顥至頴使趙驤石超助齊王冏討

張泓等於陽翟泓等皆降

降戶江翻

自兵興六十餘日戰鬪

死者近十萬人

近其新翻

斬張衡問和孫髦于東市蔡璜自

殺五月誅義陽王威襄陽太守宗岱承罔檄斬孫旂

沈約

曰魏武帝分南郡緇縣以北及南陽之山郡立襄陽郡魚豢曰魏文帝立

永饒治令空桐機

斬孟觀

永饒治當在南陽宛縣空桐姓機名姓譜曰漢覆姓有空桐空相二氏世本云空同子姓蓋因

崕山也

皆傳首洛陽夷三族立襄陽王尚為皇太孫

六月乙卯齊王罔帥衆入洛陽

帥讀曰率

頓軍通章署甲士

數十萬威震京都

晉避景帝諱謂京師曰京都

戊辰赦天下復

封賓徒王晏為吳王

晏貶見上卷永康元年考異曰晏傳自賓徒徙封代王倫誅復本

封今從
帝紀

甲戌詔以齊王冏為大司馬加九錫備物典

策如宣景文武輔魏故事成都王穎為大將軍都督中

外諸軍事假黃鉞錄尚書事加九錫入朝不趨劔履上

殿

考異曰穎傳曰至鄴詔王粹加九錫進位大將軍都督中外穎拜受徽號讓殊禮按穎在洛廬志已謂

穎曰今當與齊王共輔朝政明已有錄尚書之命但穎不受歸鄴故朝廷使粹追命之耳且穎功大於冏不應

獨賞冏而穎未

賞也今從帝紀河間王顥為侍中太尉加三賜之禮

王記

制諸侯賜弓矢然後征賜錢然後段賜圭瓚然後為皂

常山王乂為撫軍大將軍

領左軍

左軍即左軍將軍所統

進廣陵公灌爵為王領尚書加侍

中進新野公歆爵為王都督荊州諸軍事加鎮南大將

軍

歆自南中郎將加鎮南

齊成都河間三府各置掾屬四十人武

號森列

自東漢以來公府皆有掾有屬但不帶武號耳掾以絹翻

文官備員而已識

者知兵之未戢也已卯以梁王彤為太宰領司徒

彤以太師

領丞相之職

光祿大夫劉蕃女為趙世子苻妻故蕃及二子

散騎侍郎輿冠軍將軍琨皆為趙王倫所委任

冠古玩翻大

司馬罔以琨父子有才望特宥之以輿為中書郎

中書郎即

中書侍郎

琨為尚書左丞又以前司徒王戎為尚書令劉暉

為御史中丞

瞰他昆翻

王衍為河南尹新野王歆將之鎮

將出

鎮荆川也

與罔同乘謁陵

乘繩正翻

因說罔曰成都王至親

帝弟之親

故曰至親說輸萬翻

同建大勲今宜留之與輔政若不能爾當奪

其兵權常山王又與成都王穎俱拜陵又謂穎曰天下

者先帝之業王宜維正之聞其言者莫不憂懼

憂懼者以罔與

又穎必阻兵相圖特罹其禍也

盧志謂穎曰齊王衆號百萬與張泓等

相持不能決大王逕前濟河功無與貳今齊王欲與大

王共輔朝政志聞兩雄不俱立宜因太妃微疾求還定

省

穎母程才人冊為成都太妃記曲禮凡為人子者冬溫而夏清昏定而晨省省悉景翻

委重齊

王以收四海之心

委朝政之重於齊王則四海之人謂穎功大不居將歸心於穎

此計

之上也穎從之帝見穎于東堂慰勞之

勞力到翻

穎拜謝曰

此大司馬罔之勲臣無豫焉因表稱罔功德宜委以萬

機自陳母疾請歸藩即辭出不復還營便謁太廟出自

東陽城門

洛陽城東而北頭第二門曰東陽門

遂歸鄴遣信與罔別罔大

驚馳出送穎至七里澗及之

水經注鴻臺陂在洛陽東北二十里具水東流左合

七里澗武帝泰始十年立城東七里澗石橋

穎佳車言別流涕滂沱

滂沱水下如雨

也
惟以太妃疾苦為憂不及時事由是士民之譽皆歸

頴同辟新興劉殷為軍諮祭酒洛陽令曹攄為記室督

漢建安三年曹公置軍謀祭酒晉制文武官公及諸方
面征鎮府皆置軍諮祭酒漢三公及大將軍府皆有記
室令史主上章表奏報書記曹公輔漢以陳琳
阮瑀管記室晉諸公府皆有記室督應抽居翻尚書郎

江統陽平太守河內苟晞參軍事

晉諸公諸從公為持節都督增參軍為六

員
吳國張翰為東曹掾孫惠為戶曹掾前廷尉正顧榮

及順陽王豹為主簿

晉制東曹在倉曹之上戶曹在倉曹之下廷尉屬官有正監平魏分

南陽立南鄉郡武帝太康中更名順陽郡掾俞絹翻豹補敎翻

惠賁之曾孫

孫賁吳主權從兄

榮雍之孫也

顏雍吳相也

殷幼孤貧養曾祖母以孝聞

養亮翻

人以穀帛遺之

遺于季翻

殷受而不謝直云待後貴當相酌

耳及長博通經史性倜儻有大志

長知兩翻倜他歷翻倜儻卓異也劉殷後

事劉聰貴顯女亢聰後宮何足尚也

儉而不陋清而不介望之頽然而不

可侵也問以何勛為中領軍董艾典樞機又封其將佐

有功者葛旗路秀衛毅劉真韓泰皆為縣公委以心膂

號曰五公

葛旗牟平公路秀小黃公衛毅陰平公劉真安鄉公韓泰封邱公旗音興考異曰路秀

帝紀作路季今從齊王周傳

成都王穎至鄴詔遣使者就申前命穎

受大將軍讓九錫殊禮表論興義功臣皆封公侯

穎亦表封

盧志和演董洪王彥趙驥等

又表稱大司馬前在陽翟與賊相持既

久百姓困敝乞運河北邸閣米十五萬斛以賑陽翟饑

民造棺八千餘枚以成都國秩為衣服歛祭黃橋戰士

歛力贍翻

旌顯其家加常戰亡二等又命溫縣瘞趙王倫戰

士萬四千餘人

此溴水之戰也溫縣屬河內郡周司寇蘇忿生之國也瘞於計翻

皆盧

志之謀也穎貌美而神昏不知書然氣性敦厚委事於

志故得成其美焉詔復遣使諭穎入輔并使受九錫

復扶

又翻穎嬖人孟玖不欲還洛嬖卑義翻又程太妃愛戀鄴

都故穎終辭不拜初大司馬罔疑中書郎陸機為趙王

倫撰禪詔收欲殺之大將軍穎為之辯理得免死為手偽翻

因表為平原內史以其弟雲為清河內史機友人顧榮

及廣陵戴淵以中國多難難乃旦翻勸機還吳機以受穎全

濟之恩且謂穎有時望可與立功遂留不去為陸機陸雲為穎所

殺張本秋七月復封常山王又為長沙王武帝太康十年封又為長

沙王楚王瑋之誅又以同遷開府驃騎將軍東萊王

麤凶暴使酒數陵侮大司馬罔

數所角翻

又從罔求開府不

得而怨之密表罔專權與左衛將軍王興謀廢罔事覺

八月詔廢麤為庶人誅興三族徙麤於上庸上庸內史

陳鍾承罔肯潛殺之

考異曰帝紀六月庚午麤與王興謀廢罔事覺得罪甲戌罔為大

司馬按誅興詔已稱罔為大司馬則興事覺不應在罔為大司馬前今從三十國春秋在八月

赦天

下東武公澹坐不孝徙遼東九月徵其弟東安王繇

復舊爵

繇廢徙見八十一卷元康元年

拜尚書左僕射繇舉東平王楙

為都督徐州諸軍事鎮下邳

考異曰楙為平東督徐州九月繇復爵按楙傳繇

為僕射舉榘為平
東故移在縣還後

初朝廷符下秦雍州使召還流民

入蜀者

下遐嫁翻
雍於用翻

又遣御史馮該張昌督之李特兄輔

自略陽至蜀言中國方亂不足復還特然之累遣天水

閻式詣羅尚求權停至秋又納賂於尚及馮該尚該許

之朝廷論討趙廞功拜特宣威將軍弟流奮武將軍皆

封侯璽書下益州條列六郡流民與特同討廞者將加

封賞廣漢太守辛冉欲以滅廞為己功寢朝命

寢封拜
特流之

命也下遐嫁
翻朝直遙翻

不以實上

所謂條列者不以實
上上時掌翻下同

衆咸怨之

六郡之衆也

羅尚遣從事督遣流民限七月上道

上時掌翻

時流

民布在梁益為人傭力聞州郡逼遣人人愁怨不知所

為且水潦方盛年穀未登無以為行資特復遣閭閻式詣

尚求停至冬

復扶又翻下日復復值同

辛冉及犍為太守李苾以為

不可

犍居言翻苾毗心翻

尚舉別駕杜弢秀才式為弢說逼移利

害弢亦欲寬流民一年

弢他刀翻為于偽翻下數為同

尚用冉苾之謀

不從弢乃致秀才板出還家

送至致

冉性貪暴欲殺流民

首領取其資貨乃與苾白尚言流民前因趙廞之亂多

所剽掠宜因移設關以奪取之

剽匹妙翻移即移書也流民安於蜀土雖以朝

命驅使還本猶恐其不去況欲設關以奪取其資財是速之為亂也

尚移書梓潼太守張

演於諸要施關搜索寶貨

蜀劉民分廣漢立梓潼郡諸要者凡路所通其地當往來

之津要者施關者先未嘗立關今特設之

特數為流民請留

數所角翻

流民皆感

而恃之多相帥歸特特乃結大營於綿竹以處流民

帥讀

曰率處昌呂翻

移辛冉求自寬冉大怒遣人分榜通衢購募特

兄弟許以重賞特見之悉取以歸與弟驤改其購云能

送六郡酋豪李任闇趙上官及氏叟侯王一首賞百匹

蜀叟自是一種首
慈由翻任音壬

於是流民大懼歸特者愈衆旬月間

過二萬人流亦聚衆數千人特又遣閭式詣羅尚求申

期

申重也求重為期限使流民得自寬也

式見營柵衝要謀擒流民歎曰

民心方危今而速之亂將作矣又知辛冉李苾意不可

回乃辭尚還縣竹尚謂式曰子且以吾意告諸流民今

聽寬矣式曰明公惑於姦說恐無寬理弱而不可輕者

民也今趣之不以理

趣讀曰促

衆怒難犯

左傳鄭子產之言

恐為禍

不淺尚曰然吾不欺子子其行矣式至縣竹言於特曰

尚雖云爾然未可信也何者尚威刑不立冉等各擁疆

兵一旦為變亦非尚所能制深宜為備特從之

閻式已
覬知冉

等之
情

冬十月特分為二營特居北營流居東營繕甲厲

兵戒嚴以待之冉必相與謀曰羅侯貪而無斷

斷丁
亂翻

日

復一日令流民得展姦計李特兄弟並有雄才吾屬將

為所虜矣宜為決計

欲一戰以
決之也

羅侯不足復問也

復扶
又翻

乃遣廣漢都尉曾元牙門張顯劉並等潛帥步騎三萬

襲特營

帥請
曰率

羅尚聞之亦遣督護田佐助元元等至特

安卧不動待其衆半入發伏擊之死者甚衆殺田佐曾

元張顯傳首以示尚冉尚謂將佐曰此虜成去矣

謂特雖求

申行期而去

計已成也

而廣漢不用吾言以張賊勢

辛冉為廣漢太守故稱之

尚言冉輕用兵為特所敗使其勢愈張也張知亮翻

今若之何於是六郡流民共

推特行鎮北大將軍承制封拜以其弟流行鎮東大將

軍號東督護以相鎮統又以兄輔為驃騎將軍弟驤為

驍騎將軍

驃匹妙翻驍堅亮翻

進兵攻冉於廣漢

廣漢郡治廣漢縣後宋置遂寧

郡齊梁加東字後魏改廣漢縣為方義縣後周改東遂寧為遂州方義為遂州治所

尚遣李苾費

遠帥衆救冉

費扶弗翻

畏特不敢進冉出戰屢敗潰圍奔德

陽

德陽縣後漢置屬廣漢郡至唐屬劍州

特入據廣漢以李超為太守進

兵攻尚於成都尚以書諭閻式式復書曰辛冉傾巧曹

元小豎李叔平非將帥之才

李苾字叔平將即亮翻帥所類翻

式前為

節下及杜景文論留徙之宜

晉人稱方而專征之將率曰節下杜弢字景文為于

偽人懷桑梓

桑梓祖父之所樹以遺子孫者故謂懷故鄉者為懷桑梓

孰不願之但

往月初至隨穀庸賃

謂往曰流民初至蜀之時無以自給隨所往逐糧出力為人傭作賃

女禁翻亦傭也

一室五分復值秋潦

潦魯皓翻雨水大貌復扶又翻

乞須冬熟

而終不見聽繩之太過窮鹿抵虎流民不肯延頸受刃

以致為變即聽式言寬使治嚴

即就也治嚴猶云治裝也治直之翻

不過

去九月盡集

日月已過者為去

十月進道令達鄉里何有如此

也特以兄輔弟驤子始蕩雄及李含含子國離任回李

攀攀弟恭上官晶任臧楊褒上官惇等為將帥閻式李

遠等為僚佐羅尚素貪殘為百姓患特與蜀民約灋三

章施捨賑貸

杜預曰施恩惠捨勞役

禮賢拔滯軍政肅然蜀民大

悅尚頗為特所敗

敗隋邁翻

乃阻長圍緣郾水作營連延七

百里

水經注綿水西出綿竹縣又與湍水合亦謂之郫江載記曰尚緣水作營自都安至犍為七百里師

古曰郫音疲

與特相拒求救於梁州及南夷校尉

南夷校尉統南中都

郡

十二月穎昌康公何邵薨封大司馬冏子冰為

樂安王英為濟陽王超為淮南王

太安元年

是年十二月齊王冏死方改元太安此猶是永寧二年

春三月冲太孫

尚薨

冲諡也

夏五月己酉梁孝王彤薨以右光祿大

夫劉寔為太傅尋以老病罷河間王顥遣督護衙博

討李特

姓譜秦穆公子食采於衙因氏焉衙縣漢屬馮翊

軍于梓潼

梓潼縣漢屬廣漢郡

劉蜀分廣漢置梓潼郡唐劍州之梓潼普安黃朝廷復安求歸武連臨津劍門皆漢梓潼縣地潼音同

以張微為廣漢太守軍于德陽

復扶又翻下同

羅尚遣督護張

龜軍于繁城

繁縣屬蜀郡劉昫曰唐彭州九隴縣漢繁縣地宋白曰益州新繁縣本漢繁縣

特

使其子鎮軍將軍蕩等襲博而自將擊龜破之蕩敗博

兵於陽沔

敗補邁翻下所敗同

梓潼太守張演委城走巴西丞毛

植以郡降蕩進攻博於葭萌

巴西郡唐為閬果二州之地劉蜀改漢葭萌縣為漢

壽縣晉又改為晉壽此本之漢舊縣名而書之唐為利州之縣谷葭萌二縣地

博走其衆盡降

降戶江翻

河間王顥更以許雄為梁州刺史特自稱大將軍

益州牧都督梁益二州諸軍事 大司馬罔欲久專大

政以帝子孫俱盡

太子適死帝無子矣
彭臧尚死帝無孫矣

大將軍穎有次

立之勢

穎於帝諸弟
之次當及

清河王覃遐之子也方八歲乃上

表請立之癸卯立覃為皇太子以罔為太子太師東海

王越為司空領中書監 秋八月李特攻張微微擊破

之遂進攻特營李蕩引兵救之山道險陋

脛與
挾同

蕩力戰

而前遂破微兵特欲還涪蕩及司馬王幸諫曰微軍已

敗智勇俱竭宜乘銳氣遂禽之特復進攻微殺之生禽

微子存以微喪還之特以其將蹇碩守德陽

蹇九件翻姓也

李

驤軍毗橋

今懷安軍西北有中江源從漢州彌牟雒水毗橋水三水會為一江懷安軍漢廣漢新都

縣之地

羅尚遣軍擊之屢為驤所敗驤遂進攻成都燒其

門李流軍成都之北尚遣精勇萬人攻驤驤與流合擊

大破之還者什一二許雄數遣軍攻特不勝

數所角翻

特勢

益盛建寧大姓李叡毛詵逐太守許俊

建寧古滇王國之地漢開置益

州郡劉蜀更名建寧郡唐為昆州之地

朱提大姓李猛逐太守雍約以應

特

朱提縣前漢屬犍為郡後漢屬犍為屬國都尉劉蜀分置朱提郡唐為曲州之地朱提蘇林音鉢時雍於

用翻衆各數萬南夷校尉李穀討破之斬詵李猛奉牋降

而辭意不遜穀誘而殺之冬十一月丙戌復置寧州

罷寧

州見八十一卷
武帝太康五年

以穀為刺史齊武閔王罔既得志頗

驕奢擅權大起府第壞公私廬舍以百數

壞音怪

制與西

宮等中外失望侍中嵇紹上疏曰存不忘亡易之善戒

也

易大傳子曰危者有其安者也亡者保其存者也亂者有其治者也君子安而不忘危存而不忘亡治而

不忘亂然後身安而國家可保也易曰其亡其亡繫于苞桑

臣願陛下無忘金墉大

司馬無忘穎上大將軍無忘黃橋則禍亂之萌無由而

兆矣

齊桓公與鮑叔牙管夷吾寧戚飲酒酣叔牙為壽曰願君無忘在莒時願管子無忘束縛於魯時寧

子無忘飯牛車下時

嵇紹之言祖其意

又與罔書以為唐虞茅茨夏禹

卑宮

唐虞茅茨不斲茅茨不翦禹卑宮室

今大興第舍及為三王立宅

為

偽

豈今日之急邪罔遜辭謝之然不能從罔耽於宴樂

不入朝見

樂音洛朝直遙翻見賢適翻

坐拜百官

坐受百官之拜也一說天子用三公

九卿諸將軍猶引而拜之今罔安坐府第拜受百官也

符勅三臺選用不均

以私意選

用符勅三臺使未行不均之大者也

嬖寵用事

凡史書其人將敗必先叙其致敗之由此左氏傳例

殿中御史桓豹奏事不先經罔府即加考竟

魏制蘭臺遺二御史

居殿中伺察非法及晉置四人史言問但欲
專權考竟殿中御史不知無君之迹愈著
南陽處士

鄭方

處昌
呂翻

上書諫問曰今大王安不慮危宴樂過度一

失也

樂音
洛

宗室骨肉當無纖介今則不然二失也蠻夷

不靜大王謂功業已隆不以為念三失也

蠻夷不靜謂
李特等寇亂

梁益
也

兵革之後百姓窮困不聞賑救四失也

此一失益
指成都王

穎運米以收河南人心
而不敗察察言之耳

大王與義兵盟約事定之後賞

不踰時而今猶有功未論者五失也

兵法曰賞不踰時
欲民速得為善之

利也此言穎上之
功猶有未叙者

問謝曰非子孤不聞過孫惠上書曰

天下有五難四不可而明公皆居之冒犯鋒刃一難也

冒莫
壯翻

聚致英豪二難也與將士均勞苦三難也

將即
亮翻以

弱勝彊四難也興復皇業五難也大名不可久荷

荷下
可翻

大功不可久任大權不可久執大威不可久居大王行

其難而不以為難

謂在
上時也

處其不可而謂之可

惠之此
言婉而

切處昌
呂翻

惠切所不安也明公宜思功成身退之道

老子
曰功

成名遂身
退天之道

崇親推近委重長沙成都二王長揖歸藩則

太伯子臧不專美於前矣

吳太伯以天下讓
曹子臧以國讓

今乃忘高

亢之可危

亢口浪翻
高極為亢

貪權執以受疑雖遨遊高臺之上

逍遙重墉之內

重直
龍翻

愚竊謂危亡之憂過於在穎隄之

時也

穎隄謂穎
川陽隄也

罔不能用惠辭疾去罔謂曹攄曰或勸

吾委權還國何如攄曰物禁太盛大王誠能居高慮危

褰裳去之斯善之善者也罔不聽張翰顧榮皆慮及禍

翰因秋風起思菰菜蓴羹鱸魚膾

菰一名蔣本草曰菰
又謂之茭歲久中心

生白臺謂之菰米其臺中有黑者謂之茭至後結實乃
雕胡黑米也蓴生水中葉似鳬茨春夏細長肥滑三月
至八月為絲蓴九月至十一月為猪蓴鱸魚
出吳松江者佳吳人以為膾甚美蓴殊倫翻
歎曰人生

貴適志耳富貴何為即引去榮故酣飲不省府事

省悉景翻

長史葛旗以其廢職白罔徙榮為中書侍郎潁川處士

庾袞

姓譜庾姓堯時為掌庾大夫因氏焉處昌呂翻下處要同

聞罔暮年不朝歎曰

晉室卑矣禍亂將興帥妻子逃於林慮山中

帥讀曰率慮音廬

王豹致牋於罔曰伏思元康以來宰相在位未有一人

獲終者

元康元年楊駿誅繼而汝南王亮死永康元年張華裴頠死

乃事執使然非

皆為不善也今公克平禍亂安國定家乃復尋覆車之

軌

復扶又翻

欲冀長存不亦難乎今河間樹根於關右成都

盤桓於舊魏

曹魏以鄴都基王業故謂之舊魏

新野大封於江漢三王

方以方剛強盛之年並典戎馬處要害之地而明公以

難賞之功挾震主之威獨據京都專執大權進則亢龍

有悔

易乾上九爻辭象曰亢龍有悔盈不可久也

退則據于蒺藜

易困六三爻辭陶宏

景曰蒺藜多生道上而葉布地于有刺狀若菱而小有三角長安最饒人以故多著木屐今軍家乃鑄鉄作之

以布敵路亦呼為蒺藜易云據于蒺藜言其凶傷也爾雅翼茨蒺藜詩曰牆有茨蒺昨失翻藜力脂翻又力兮

翻

冀此求安未見其福也因請悉遣王侯之國

豹因此語叔長

沙王乂之怒以殺其身

依周召之法

召讀曰邵

以成都王為北州伯治

鄴岡自為南州伯治宛分河為界各統王侯以夾輔天

子

周之時周召分陝而治為二伯以夾輔王室故王豹欲依以為法宛於元翻

岡優令答之

長沙王又見豹牋謂岡曰小子離間骨肉何不銅駝下

打殺岡乃奏豹讒內間外

問右竟翻

坐生猜嫌不忠不義鞭

殺之豹將死曰縣吾頭大司馬門見兵之攻齊也

縣讀曰懸

昔伍子胥為吳王夫差所殺將死曰縣吾目於吳東門見越之入吳也豹倣此語

岡以河間王

顯本附趙王倫心常恨之梁州刺史安定皇甫商與顯

長史李含不平含被徵為朔軍校尉時商參岡軍事夏

侯奭兄亦在罔府舍心不自安

顯附趙王倫奭為顯所殺事並見上永寧元年

又與罔右司馬趙驤有隙遂單馬犇顯詐稱受密詔使

顯誅罔因說顯曰

說輸為翻

成都王至親有大功推讓還藩

甚得衆心

推吐雷翻

齊王越親而專政朝廷側目今檄長沙

王使討齊齊王必誅長沙吾因以為齊罪而討之必可

禽也去齊立成都

去羌呂翻

除逼建親以安社稷大勲也顯

從之是時武帝族弟范陽王琬都督豫州諸軍事

琬宣帝弟

東武城侯琬之少子琬虛交翻

顯上表陳罔罪狀且言勒兵十萬欲與

成都王穎新野王歆范陽王虓共會洛陽請長沙王乂

廢冏還第以穎代冏輔政顥遂舉兵以李含為都督帥

張方等趨洛陽復遣使邀穎

帥讀曰率趨七喻翻復扶又翻

穎將應之

盧志諫不聽十二月丁卯顥表至冏大懼會百官議之

曰孤首唱義兵臣子之節信著神明今二王信讒作難

將若之何

二王謂河間王顥成都王穎難乃旦翻

尚書令王戎曰公勲業

誠大然賞不及勞故人懷貳心今二王兵盛不可當也

若以王就第委權崇讓庶可求安冏從事中郎葛旗怒

曰三臺納言不恤王事

謂尚書也

賞報稽緩

賞以報功故曰賞報稽留也緩

遲責不在府

自謂過不齊府也

讒言逆亂當共誅討奈何虛承

偽書遽令公就第乎漢魏以來王侯就第寧有得保妻

子者邪議者可斬百官震悚失色戎偽藥發墮廁得免

李含屯陰盤

魏收地形志陰盤縣漢屬安定郡晉屬京兆郡鴻門戲水皆在縣界余按漢京兆與

馮翊以渭水為界安定在馮翊之北晉安定得割安定之陰盤以屬京兆邪此魏收之誤也水經注冷水逕陰盤

新豐兩原之間北流注于渭漢靈帝建寧三年改新豐為都鄉封段熲為侯國後立陰槃城其水際城北出謂

是水為陰槃水又北絕漕槃溝注于渭是則李含所屯之陰盤也五代史志隋廢後魏平涼郡入陰盤縣地形

志涇州有平原郡治陰盤縣一志之間兩陰盤並載而不覺其誤以是見史學之難猜也劉昫曰唐涇州良原

縣隋陰盤縣是即漢安定之陰盤縣宋白曰京兆昭應縣東十三里有漢新豐縣故城亦謂之陰盤城後漢靈

帝未移安定陰盤縣寄理張方帥兵二萬軍新安新安縣漢

於此是即京兆之陰盤也檄長沙王又使討冏遣董艾襲又

屬宏農郡晉屬河南郡南郡帥讀曰率

又將左右百餘人馳入宮閉諸門奉天子攻大司馬府

董艾陳兵宮西縱火燒千秋神武門千秋神武門宮西門也東漢曰神虎

晉及南北諸史皆唐羣臣所定唐太祖諱虎置之改為武罔使人執騶虞幡唱云長

沙王又矯詔又又稱大司馬謀反是夕城內大戰飛矢

雨集火光屬天

屬之欲翻

帝幸上東門

此上東門非洛城之上東門宮城之上東

門也

矢集御前羣臣死者相枕

枕職鵠翻

連戰三日罔衆大敗

大司馬長史趙淵殺何勗因執罔以降

何勗與罔同起兵時為中領軍

降戶江翻

罔至殿前帝惻然欲活之又叱左右趣牽出

趣讀日促

斬於閭闔門外

水經注曰按禮王有五門謂臯門庫門雄門惠門路門魏明帝上法太極於洛

陽南宮起太極殿于漢崇德殿之故處改雄門曰閭闔門余按天門曰閭闔法以名門又按晉志洛陽城西有

廣陽西明閭闔三門未知孰是此時忽忽奚暇牽罔出都城西門乎此必宮城之閭闔門也

徇首六

軍同黨皆夷三族死者二千餘人囚罔子超冰英於金

墉城廢罔弟北海王寔赦天下改元

改元太安

李含等聞罔

死引兵還長安長沙王乂雖在朝廷事無巨細皆就鄴

諮大將軍頴頴以孫惠為參軍陸雲為右司馬是歲

陳留王薨諡曰魏元皇帝

晉受魏禪奉魏帝為陳留王

鮮卑宇文

單于莫圭部衆彊盛遣其弟屈雲攻慕容廆廆擊其別

帥素怒延破之

單音蟬帥所類翻

素怒延恥之復發兵十萬圍

廆於棘城

復扶又翻

廆衆皆懼廆曰素怒延兵雖多而無灋

制已在吾算中矣諸君但為力戰

為于偽翻

無所憂也遂出

擊大破之追奔百里俘斬萬計

考異曰載記作素延下云素延怒率衆圍棘

城按燕書紀傳皆謂之素怒延然則怒延是其名也

遼東孟暉先沒於宇文部帥

其衆數千家降于麴

帥讀曰率降戶江翻

麴以為建威將軍麴以

其臣慕輿句勤恪廉靖使掌府庫句心計默識

識音志記也

不按簿書始終無漏以慕輿河明敏精審使典獄訟覆

訊清允

慕輿蓋亦鮮卑之種別為一姓史言慕容麴善用人

資治通鑑卷八十四